

---

1 / 2

Երեւանի քաղաքապետարանի պատվիրակությունը մասնակցեց նաեւ տոնակատարության կապակցությամբ Թբիլիսի այցելած պատվիրակությունների պաշտոնական ընդունելությանը, որին ներկա է եղել նաեւ Վրաստանի նախագահ Միխեիլ Սաակաշվիլին: «Թբիլիսոբային» Երեւանի պատվիրակությանը ցուցաբերած ջերմ ընդունելության համար Երեւանի քաղաքապետ Տարոն Մարգարյանը շնորհակալական ուղերձ է հղել Գիգի Ուգուլավային:

Ուղերձում, մասնավորապես, ասված է. «Հարգելի՛ պարոն քաղաքապետ: Թույլ տվեք շնորհակալություն հայտնել «Թբիլիսոբայի» տոնակատարությանը Երեւանի պատվիրակության ընդունելության եւ հետաքրքիր ծրագրի առթիվ, որն իրականացվեց Թբիլիսիի քաղաքապետարանի աշխատակիցների արհեստավարժության շնորհիվ: Մենք մեծ նշանակություն ենք տալիս մեր եղբայրական երկու քաղաքների միջեւ բարեկամական եւ երկկողմ օգտավետ համագործակցությանը եւ համոզված ենք, որ փոխայցելությունները կնպաստեն այդ հարաբերությունների խորացմանն ու զարգացմանը: Օգտվելով առիթից, ցանկանում եմ Ձեզ եւ Թբիլիսիի բնակիչներին մաղթել առողջություն, երջանկություն եւ բարեկեցություն»: